

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 4. stav 1. Pravilnika o postupcima u provođenju Programa razvoja male privrede za period od 2021. do 2024. godine („Službene novine Zeničko-dobojskog kantona“, broj: 14/21) i Programa utroška budžetskih sredstava (Subvencije privatnim poduzećima i poduzetnicima), broj: 02-11-5917/23 od 11.04.2023. godine, na prijedlog Ministarstva za privredu/gospodarstvo, Vlada Zeničko-dobojskog kantona, na 33. sjednici, održanoj dana 25.08.2023. godine, d o n o s i

ZAKLJUČAK

I.

Daje se suglasnost na Uputstvo za dodjelu sredstava po Programu utroška budžetskih sredstava u 2023. godini (Subvencije privatnim poduzećima i poduzetnicima), broj: 04-11-5917-5/23 od 16.08.2023. godine koje čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/23

Datum, 25.08.2023. godine

Z e n i c a

PREMIJER
po ovlaštenju

Dženana Čišija

DOSTAVLJENO:

1x Ministarstvo za privredu/gospodarstvo,

1x a/a.



UPUTSTVO
ZA DODJELU SREDSTAVA PO PROGRAMU UTROŠKA BUDŽETSKIH
SREDSTAVA U 2023. GODINI
(Subvencije privatnim poduzećima i poduzetnicima)

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i Pravilnika o postupcima u provođenju Programa razvoja male privrede za period od 2021. do 2024. Godine („Službene novine Zeničko-dobojskog kantona“, broj: 14/21), ministar Ministarstva za privredu Zeničko-dobojskog kantona, uz suglasnost Vlade Zeničko-dobojskog kantona, donosi:

**UPUTSTVO
ZA DODJELU SREDSTAVA PO PROGRAMU UTROŠKA BUDŽETSKIH
SREDSTAVA U 2023. GODINI
(Subvencije privatnim poduzećima i poduzetnicima)**

**I OSNOV ZA DONOŠENJE UPUTSTVA ZA DODJELU SREDSTAVA PO
PROGRAMU UTROŠKA BUDŽETSKIH SREDSTAVA U 2023. GODINI
(Subvencije privatnim poduzećima i poduzetnicima)**

U skladu sa članom 9. Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), Vlada Zeničko-dobojskog kantona je Zaključkom, broj: 02-24-8569/21 od 16.06.2021. godine donijela Program razvoja male privrede Zeničko-dobojskog kantona za period 2021.-2024. godina. Programom razvoja male privrede Zeničko-dobojskog kantona su utvrđene: smjernice razvoja, poticajne mjere, nosioci provođenja poticajnih mjera, aktivnosti provođenja, izvori sredstava, metodologija provođenja i praćenja provođenja pojedinih mjera. Program razvoja male privrede Zeničko-dobojskog kantona je usklađen sa Strategijom razvoja Zeničko-dobojskog kantona 2021.-2027. godina.

Program utroška budžetskih sredstava u 2023. godini – Subvencije privatnim poduzećima i poduzetnicima donešen je u skladu sa članom 29. i članom 46. stav (1) Zakona o izvršavanju budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) i odredbama Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20). Program je usklađen sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu/gospodarstvo.

Programom utroška budžetskih sredstava u 2023. godini – Subvencije privatnim poduzećima i poduzetnicima utvrđeni su kriteriji na način da će Ministarstvo za privredu/gospodarstvo raspisati javni poziv za dodjelu sredstava, u skladu sa Uputstvom za dodjelu sredstava u 2023. godini.

II IZVOR FINANCIRANJA

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), planirana su finansijska sredstva, ekonomski kod 614500– Subvencije privatnim poduzećima i poduzetnicima u iznosu od **2.100.000,00 KM**.

III UPUTSTVO ZA DODJELU SREDSTAVA U 2023. GODINI

U skladu sa Pravilnikom o postupcima u provođenju Programa razvoja male privrede za period od 2021. do 2024. godine, Ministarstvo za privredu/gospodarstvo donosi Uputstvo za dodjelu sredstava u 2023. godini.

Imajući u vidu raspoloživa sredstva, te obaveze koje proizilaze iz Godišnjeg plana rada Ministarstva za privredu/gospodarstvo Zeničko-dobojskog kantona za 2023. godinu i Programa rada Vlade Zeničko-dobojskog kantona za 2023. godinu, te u skladu sa Programom utroška budžetskih sredstava u 2023. godini – Subvencije privatnim poduzećima i

poduzetnicima, Ministarstvo za privredu/gospodarstvo je planiralo utrošak sredstava, putem sljedećih javnih poziva i na sljedeći način

1. Javni poziv za prikupljanje zahtjeva za odobravanje i dodjelu finansijskih sredstava namjenjenih subvencioniranju projekta promocije privrednih potencijala Zeničko-dobojskog kantona
2. Javni poziv za prikupljanje zahtjeva za prijavu i izbor izlagača (privredna društva i obrtnici) iz područja privrede za učešće na 17. Međunarodnom sajmu privrede u Tešnju

1. JAVNI POZIV ZA PRIKUPLJANJE ZAHTJEVA ZA ODOBRAVANJE I DODJELU FINACIJSKIH SREDSTAVA NAMJENJENIH SUBVENCIONIRANJU PROJEKTA PROMOCIJE PRIVREDNIH POTENCIJALA ZENIČKO-DOBOJSKOG KANTONA

Ministarstvo za privredu/gospodarstvo Zeničko-dobojskog kantona je po Programu utroška budžetskih sredstava za 2023.godinu, planiralo utrošak budžetskih sredstava za promociju privrednih potencijala Zeničko-dobojskog kantona te iz oblasti nabavke usluga angažirati pružatelja usluga za pripremu, izradu i štampanje promotivnog pisanog materijala i za pripremu i izradu promotivnog video materijala.

Projekt promocije privrednih potencijala uključuje:

1. Usluge produkcije i grafičkog dizajna- kreiranje grafičkih obilježja -logo, grafika za video sadržaje i ostali promo materijal, kraći i duži videi ;
2. Usluge osmišljavanja kampanje i produkcije materijala:
 - Izrada kompletnog kreativnog koncepta kampanje,
 - Osmišljavanje slogana i ključnih tema kampanje,
 - Osmišljavanje, dizajn i produkciju audio-vizuelnih, grafičkih i tekstualnih elemenata kampanje
 - Pisanje i objava PR tekstova,
 - Izrada plana realizacije svih gledišta kampanje,
 - Prijenos autorskih prava, uključujući: prava nad kreativnim rješenjima aplikanta na Ministarstvo za privredu/gospodarstvo ZDK i ustupanje svih digitalnih dokumenata u njihovom produkcijskom formatu.
3. Usluge zakupa prostora za dodjelu priznanja za TOP 10 poduzetnika Zeničko-dobojskog kantona.

1. Pozivaju se pravni subjekti i neprofitne organizacije iz područja privrede/gospodarstva sa sjedištem u Zeničko-dobojskom kantonu, koji :

- su registrirani u skladu sa pozitivnim pravnim propisima,
- imaju iskustvo u promociji privrednih potencijala područja Zeničko-dobojskog kantona, i u prikupljanju i obradi statističkih i analitičkih podataka o stanju privrede,
- imaju pravo obavljanja profesionalne djelatnosti koja je u vezi sa predmetom Javnog poziva

da podnesu Zahtjev za odobravanje i dodjelu finacijskih sredstava osiguranih za subvencioniranje projekta promocije privrednih potencijala Zeničko-dobojskog kantona.

2. Pravo na dodjelu sredstava poticaja za realizaciju projekata navedenih u točki 1. ovog Javnog poziva, imaju pravni subjekti:

- koje su registrirani sa sjedištem na prostoru Zeničko-dobojskog kantona prema:

- (1) Zakonu o privrednim komorama u Federaciji BiH („Službene novine Federacije BiH“, broj: 35/98, 34/03),
- (2) Zakonu o udruženjima i fondacijama („Službene novine Federacije BiH“, broj: 45/02), čije dominantne aktivnosti su vezane za djelatnosti iz nadležnosti Ministarstva za privredu/gospodarstvo u Zeničko-dobojskom kantonu,
- (3) Zakonu o privrednim društvima („Službene novine Federacije BiH“, broj: 81/15 i 75/21)

- Čije dominantne aktivnosti su vezane za djelatnosti iz nadležnosti Ministarstva za privredu/gospodarstvo Zeničko-dobojskog kantona,
- Projekti su direktno usmjereni na unaprijeđenje potencijala i promociju

privrede/gospodarstva Zeničko-dobojskog kantona.

Pravo na dodjelu sredstava ne mogu ostvariti podnosioci zahtjeva koji nisu opravdali isplaćena poticajna sredstva Ministarstva za privredu/gospodarstvo u 2021. i 2022. godini.

Jedan korisnik poticaja može koristiti najviše jednu vrstu poticaja Ministarstva za privredu/gospodarstvo u tekućoj budžetskoj godini.

3. Sredstva za subvencioniranje troškova realizacije projekta navedenih u točki 2. ovog Javnog poziva osiguravaju se Budžetom Zeničko-dobojskog kantona i planirana su Programom utroška sredstava u Ministarstvu za privredu/gospodarstvo, za tekuću godinu, u kojoj se vrši dodjela poticaja, te odgovarajućom odlukom za svakog podnosioca zahtjeva pojedinačno.

Podnosiocu zahtjeva će se nakon dostavljanja urednog zahtjeva i procedure odlučivanja, odobriti sredstva u jednokratnom iznosu.

Maksimalni iznos sredstava koji se može odobriti i isplatiti korisniku po projektu je 100.000,00KM.

4. Uz Zahtjev za odobravanje poticajnih sredstava, potencijalni korisnik je dužan dostaviti sljedeću dokumentaciju:
 - popunjen obrazac zahtjeva;
 - original ili ovjerenu kopiju Rješenja o registraciji pravnog subjekta sa svim prilogima, kojima se dokazuje da je aplikant registriran za obavljanje djelatnosti koja je predmet javnog poziva;
 - original ili ovjerene kopije Uvjerenja o uredno izmirenim javnim prihodima (porezi, doprinosi, indirektni porezi) – ne starija od 60dana u odnosu na dan podnošenja zahtjeva;
 - uvjerenje Komercijalne banke da je žiro račun subjekta aktivan, ne starije od 60dana u odnosu na dan podnošenja zahtjeva;
 - Original ili ovjerenu kopiju Bilansa stanja i Bilansa uspjeha za prethodnu godinu;
 - Potpisanu i ovjerenu Izjavu o ranije primljenim državnim pomoćima DE MINIMIS, koje su podnosiocu zahtjeva dodijeljene u tekućoj i prethodne dvije fiskalne godine u skladu sa Zakonom o sustavu državne pomoći u BiH („Službeni glasnik BiH“, broj: 10/12) i Uredbom o namjeni, kriterijima i uvjetima za dodjelu državne pomoći Federacije BiH („Službene novine Federacije BiH“, broj: 99/13). Obrazac Izjave može se preuzeti sa web stranice Vlade ZDK – www.zdk.ba;
 - Original ili ovjerena kopija Obavijesti o razvrstavanju subjekta prema djelatnosti(Zavod za statistiku);
 - Izjava o neosuđivanosti i nevođenju postupka po osnovu privrednog kriminala fizičke odnosno odgovorne osobe u pravnoj osobi ;
 - Izjava o nesudjelovanju u koruptivnim radnjama ;
 - Reference – pokazni materijal.

5. Način podnošenja aplikacije:

Zahtjeve sa priložima, privredni subjekti moraju dostavljati u zatvorenoj koverti.

Na poleđini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Zatvorene koverta dostavljaju se osobno na Protokol Zeničko-dobojskog kantona ili putem pošte na sljedeću adresu: ZENIČKO-DOBOJSKI KANTON, Ministarstvo za privredu/gospodarstvo, KOMISIJA ZA OCJENU ZAHTJEVA ZA ODOBRAVANJE I DODJELU FINANCIJSKIH SREDSTAVA NAMJENJENIH SUBVENCIONIRANJU PROJEKTA PROMOCIJE PRIVREDNIH POTENCIJALA ZENIČKO-DOBOJSKOG KANTONA, Kučukovići br. 2, Zenica, 72 000, S naznakom: "NE OTVARATI". Prijave dostavljene drugim putem (npr. putem faksa ili e-mail), neće biti uzete u razmatranje.

2. JAVNI POZIV ZA PRIKUPLJANJE ZAHTJEVA ZA PRIJAVU I IZBOR IZLAGAČA (PRIVREDNA DRUŠTVA I OBRTNICI) IZ PODRUČJA PRIVREDE ZA UČEŠĆE NA 17. MEĐUNARODNOM SAJMU PRIVREDE U TEŠNJU

1. Pozivaju se privredni subjekti iz Zeničko-dobojskog kantona, iz sektora privrede, da podnesu prijavu za izbor izlagača kojima će Vlada Kantona, u okviru zajedničke izložbe privrednih subjekata iz Zeničko-dobojskog kantona (u daljem tekstu: Izlagači), sufinancirati osnovne troškove izlaganja na **17. Međunarodnom sajmu privrede u Tešnju**, koji će se održati u terminu od **27.09. do 30.09.2023. godine** na lokaciji Kamelia d.o.o. Matuzići, Doboj Jug.

Sredstva za subvencioniranje dijela troškova učešća - osnovne troškove izlaganja na **17. Međunarodnom sajmu privrede u Tešnju** osigurana su u Budžetu Zeničko-dobojskog kantona za 2023. godinu i planirana Programom utroška sredstava Ministarstva za privredu/gospodarstvo za 2023.godinu.

Ministarstvo za privredu/gospodarstvo je osiguralo zajednički štand za Izlagače iz Zeničko-dobojskog kantona ukupne površine 250m² na povoljnu cijenu zakupa uređenog izložbenog prostora.

Vlada Zeničko-dobojskog kantona i Ministarstvo za privredu/gospodarstvo će Izlagačima financirati 100% osnovnih troškova izlaganja (sa PDV-om).

Osnovni troškovi izlaganja podrazumijevaju:

- Zakup uređenog izložbenog prostora (cca 20m² po izlagaču) u zatvorenom ,
- Itison za cijeli izlagački prostor,
- Jedan strujni priključak 220V do 1kW za zajednički štand,
- Zajednički stol i stolice.

Izlagači imaju mogućnost dogovora sa organizatorom sajma za narudžbu dodatnog uređenja izložbenog prostora, dodatnih strujnih priključaka, inventara i drugih usluga prema Prijavnom obrascu Sajma – Prilog II javnog poziva.

2. Pravo na prijavu po ovom javnom pozivu za sufinanciranje osnovnih troškova izlaganja imaju privredni subjekti koji:

- su privredna društva (d.o.o. i d.d.) ili fizička lica (obrti),
- imaju sjedište na području ZDK;
- obavljaju djelatnost unutar sektora privrede;
- imaju prepoznatljiv proizvod iz navedenih;
- da su uredno izmirili poreze i doprinose.

Pravo na prijavu po ovom javnom pozivu nemaju privredni subjekti koji su se do datuma objave javnog poziva već samostalno ili u okviru drugih kolektivnih nastupa prijavili za učešće na Sajmu.

Prijava na javni poziv mora sadržavati sljedeće podatke: naziv i sjedište podnositelja zahtjeva, ime i prezime odgovorne osobe, kontakt telefon i mail, mjesto i datum podnošenja zahtjeva, naznaku Javnog poziva za koji se aplicira, podatke o djelatnosti firme, finalnom proizvodu i

uslugama.

Uz prijavu na javni poziv izlagači su obavezni dostaviti original ili ovjerene kopije sljedećih dokumenata:

- Potpisanu i ovjerenu Izjavu da je uredno izmirio direktne poreze i doprinose (PIO/MIO i zdravstveno osiguranje) – Prilog III javnog poziva;
- Potpisanu i ovjerenu Izjavu o uredno izmirenim obavezama po osnovu PDV-a (ukoliko je podnositelj po Zakonu o porezu na dodanu vrijednost u sustavu, ukoliko nije dostaviti Izjavu da privredni subjekt nije u sustavu PDV-a, ovjerenu od strane nadležnog upravnog organa) – Prilog IV javnog poziva;
- Obavijest o razvrstavanju privrednog subjekta prema djelatnosti izdanog od Federalnog zavoda za statistiku;
- Potpisanu i ovjerenu izjavu da se nisu do datuma objave javnog poziva već samostalno ili u okviru drugih kolektivnih nastupa prijavili za učešće na 17. Međunarodnom sajmu privrede u Tešnju– Prilog V javnog poziva;
- Potpisanu i ovjerenu Izjavu o ranije primljenim državnim pomoćima DE MINIMIS, koje su podnositelju zahtjeva dodjeljene u tekućoj i prethodne dvije fiskalne godine u skladu sa Zakonom o sustavu državne pomoći u BiH ("Službeni glasnik BiH", broj: 10/12) i Uredbe o uvjetima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18) (Obrazac Izjave može se preuzeti sa web stranice Vlade ZDK – www.zdk.ba).
- Potpisanu i ovjerenu izjavu da privredni subjekt nije u postupku stečaja i likvidacije - Prilog VI javnog poziva.

NAPOMENA: Sve izjave moraju biti ovjerene kod nadležnog organa uprave ili notara.

3. Komisija Ministarstva za privredu/gospodarstvo poštujući kronologiju prijema u protokolu Kantona pregledat će pristigle prijave.

Sve dostavljene prijave će se ocjenjivati u dva koraka, u skladu sa ispod propisanim kriterijama, pri čemu je prvi korak eliminatoran, dok se u drugom koraku ocjenjuje kapacitet izlagača.

Podnesene prijave provjerava i ocjenjuje Komisija, sastavljena od imenovanih predstavnika Ministarstva.

3.1. Ispunjenost administrativnih zahtjeva

U sklopu ovog koraka, po prijemu i otvaranju prijave, ocjenjuju se sljedeći elementi:

- da li je prijava stigla u utvrđenom roku. Ukoliko nije, prijava se automatski odbija.
- da li prijava ispunjava sve navedeno u točki 2.1. javnog poziva. Ukoliko ne ispunjava, prijava neće biti dalje razmatrana.

3.2. Evaluacija prijava

Evaluaciju prijava koje su prošle prethodnu provjeru će vršiti Komisija. Evaluacija prijava podrazumjeva ocjenu u skladu s kriterijima za ocjenjivanje.

Sve prijave će biti evaluirane na osnovu jedinstvene skale prikazane u nastavku.

Evaluacijski kriteriji su podijeljeni na kategorije gdje se svaka kategorija boduje u rasponu od 1 do 5.

Evaluacijski kriteriji	Maksimalan broj bodova
Privredni subjekt ima 4 i više zaposlenih:	
4 – 9 zaposlenih	1
10 – 30 zaposlenih	4
31 – 80 zaposlenih	5
81 – 249 zaposlenih	3
Privredni subjekt je u većinskom vlasništvu osoba mlađih od 35 godina starosti ili u vlasništvu žena	Da – 5 Ne - 0
Ravnomjerniji regionalni razvoj (Stupanj razvijenosti JLS)	
grupa V	5
grupa IV	4
grupa III	3
grupa II	2
grupa I	0
Privredni subjekt obavlja pretežnu djelatnost proizvodnje sa visokim stupnjom finalizacije (finalni funkcionalni proizvod)	
Primarna prerada	
Proizvodnja polu-proizvoda (elemenata ili dijelova funkcionalnih proizvoda)	0
Proizvodnja funkcionalnih proizvoda	3 5

4. Po zaprimljenoj prijavi, Komisija na osnovu kriterija naznačenih u Javnom pozivu vrši ocjenjivanje prijava i sačinjava listu podnosilaca prijava koji nisu uvršteni na listu potencijalnih izlagača sa navođenjem razloga neuvrštavanja, koju Ministarstvo objavljuje na web stranici Kantona. Podnositelj prijave, u cilju zaštite svojih prava, može uložiti prigovor Ministarstvu u roku od osam dana od dana objave navedene liste na web stranici Kantona.

U slučaju da više podnositelja prijave, nakon ocjenjivanja, ostvare isti broj bodova, prednost u odobravanju sredstava imaju prijave koje su ranije kronološki zaprimljene.

Nakon postupanja po svim prigovorima, Ministarstvo utvrđuje prijedlog odluke o izboru izlagača, a odluku na prijedlog Ministarstva donosi Vlada.

Odluka se objavljuje na web stranici Kantona.

5. Na osnovu Odluke o izboru izlagača Ministarstvo za privredu/gospodarstvo sa odabranim izlagačima, zaključuje ugovor o međusobnim pravima i obavezama.

Ministarstvo na osnovu donesene Odluke ima pravo da koristi informacije u vezi sa realizacijom zajedničke izložbe u svrhu promocije Zeničko-dobojskog kantona. Izlagač se obvezuje da će u svim prilikama u kojima je moguće naglasiti ovu vrstu podrške u svojim promotivnim medijskim nastupima.

6. Prijava koja ne sadrži svu dokumentaciju traženu Javnim pozivom, koja nije pravovremena odbacuje se zbog neispunjavanja formalno-pravnih uvjeta, bez obaveze daljnjeg razmatranja.

Naknadne izmjene i dopune prijave, dostavljene nakon isteka roka za podnošenje prijave, se neće uzimati u obzir.

U postupku po Javnom pozivu Ministarstvo ne snosi nikakve troškove učesnika Javnog poziva.

Ministarstvo ne snosi odgovornost prema učesnicima Javnog poziva, u pogledu aktivnosti koje su poduzeli u cilju apliciranja za određeni poticaj.

Dostavljena dokumentacija se ne vraća podnosiocu prijave.

7. Javni poziv ostaje otvoren **15 dana** od dana objavljivanja na web stranici Kantona.

Prijava iz točke 2. Javnog poziva sa priložima u zatvorenoj koverti, podnosiocu dostavljaju osobno na Protokol Zeničko-dobojskog kantona ili putem pošte na sljedeću adresu:

ZENIČKO-DOBOJSKI KANTON
MINISTARSTVO ZA PRIVREDU/GOSPODARSTVO
Kučukovići br. 2
72 000 Zenica
Sa naznakom:
“Prijava na Javni poziv za Sajem Tešanj”
“NE OTVARATI”

Na poledini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Prijave dostavljene drugim putem (npr. putem faksa ili e-mail), neće biti uzete u razmatranje.

U slučaju da se ne prijavi dovoljan broj zainteresiranih izlagača izbor će se vršiti i pozivnim putem.

U slučaju eventualnih promjena podnosiocu zahtjeva će biti blagovremeno obaviješteni.

Sve detaljne informacije mogu se dobiti u Ministarstvu za privredu/gospodarstvo, tel: 460-720, 460-721, fax. 460-722, e-mail: min.privreda@zdk.ba, <http://www.zdk.ba>

IV ROK

Javnim pozivima precizirat će se rok za dostavu dokumentacije odnosno krajnji datum dostave dokumentacije.

V KOMISIJSKA OCJENA

Ministar rješenjem imenuje i razrješava komisiju za izbor korisnika poticajnih sredstava kao i Komisiju za izbor banke. Za svoj rad komisija odgovara ministru Ministarstva za privredu/gospodarstvo.

Po uredno prispjelim zahtjevima, na osnovu kriterija naznačenih u javnom pozivu, Komisija vrši ocjenjivanje prijave. Komisija sačinjava listu podnosilaca prijave koji nisu uvršteni na listu potencijalnih korisnika iz formalno-pravnih razloga (sa navođenjem razloga neuvrštanja), koju Ministarstvo objavljuje na web stranici Kantona. Podnosilac prijave, u cilju zaštite svojih prava, može uložiti prigovor Ministarstvu u roku od osam dana od dana objave navedene liste na web stranici Kantona.

VI POSTUPAK ODOBRAVANJA

Nakon postupanja po svim prigovorima, Ministarstvo utvrđuje prijedlog odluke o izboru korisnika poticajnih sredstava sa iznosom sredstava, a odluku na prijedlog Ministarstva donosi Vlada. Odluka se objavljuje na web stranici Kantona. Vlada Kantona može opozvati donesenu odluku zavisno od dinamike priliva budžetskih sredstava.

VII ISPLATA SREDSTAVA - REALIZACIJA POTICAJA

Na osnovu odluka o odobravanju sredstava i/ili potpisanih ugovora sa korisnicima sredstava, Ministarstvo za privredu podnosi naloge za isplatu sredstava Ministarstvu financija.

Broj: 04-11-5917-5/23
Zenica, 16.08.2023. godine

MINISTAR

Samir Šibonjić

